

尚友錄

(明)廖用賢編



尚友錄三卷

閩綏安

廖用賢

賓于編纂

楚晴川

張伯琮

鶴湄補輯

男

張坦讓

遜菴叅訂

孫

張任鄭

若虔

張任郎

夢選

校正

于子

河內羽音周武王第二子封邗爲邗叔以國爲氏省文爲于又望出東海

于公

漢東海郟人爲獄吏東海有孝婦養姑不嫁姑謂鄰曰婦事我勤苦哀其亡子守寡我老久累丁壯奈何自經死姑女告婦殺母孝婦不能辯誣服于公爭之不得孝婦死東海旱三年後太守因公言致祭立雨公問門壤父老方共治之公謂曰少高大令容駟馬高車蓋我治獄多陰德未嘗有所冤子孫必有興者至定國爲丞相永爲御史大夫封侯傳世云子定國字曼倩累官廷尉當時稱之曰張釋之爲廷尉天下無冤民于定國爲廷尉民自以不冤後拜相封西平侯生平謙厚身爲列卿尚迎師執弟子禮飲酒數斗不亂酒後治獄益精明

于粟磾

南北代人能左右馳射魏明元時累遷外都大官平刑折獄甚有聲稱卒贈太尉粟磾自

少總戎迄於白首臨事善斷加以謙虛下士其
卒也大武甚悼惜之才力過人好持黑稍劉裕
遺之書題曰黑稍公麾下北魏明元因授黑稍
將軍子謹字思敬仕周累官大都督封燕國
公謹素性謙抑不以位高自恣功臣中始終無
間保定中以爲三老固辭卒謚曰文 孫義字
慈恭以父功封廣都縣公遷安武太守惟崇教
化不尚威刑有郡人張善安王叔兒爭財相訟
義曰太守恩薄不德所致於是以家財分與二
人喻而遣去善安等各懷恥愧移貫他州 曾
孫宣敏字仲達年十一赴周趙王招命之賦詩
甚有幽貞之志坐客莫不嗟賞常以盛滿之誠
昔賢所重每懷靜退因著述志賦以自見 勁
字鍾葵自粟磧至勁累世貴盛一皇后四贈公

三領軍二尚書

令三開國公

于

敷

南北少失母年十歲求母遺物惟得一画扇乃緘之簾每感思輒開篋涕泣好讀書能屬文齊高祖見而奇之以爲世子中軍參軍

于什門

南北代人魏明元時使諭馮跋聲氣甚厲被拘留衣裳敗壞跋遺以衣裳什門曰吾衣壞

而忠義未嘗壞則忠義足以文身奚衣爲拒不
受歷二十四年後馮弘上表稱臣乃送什門歸
拜御史大武褒
美比之蘇武

于志寧

唐字仲謐謹之耳孫太宗引爲文學館學士貞觀中爲太子右庶子母喪起復舊職切諫

俞

俞

俞

太子承乾惡之使刺客張師政紇于承基潛往
殺之二人見志寧獨處寢苦塊竟不忍殺得免
累遷侍中拜左僕射封燕國公瀛州十八學士
志寧其一也 曾孫休烈機鑒精敏善文章開
元中擢制科累官集賢院學士肅宗時爲太常
少卿終工部尚書二子益肅繼爲翰林學士肅
子敖爲戶部侍郎宗右僕射 志寧五世孫宗
字禮用擢進士第授左拾遺尚廣德公主篤學
礪行咸通中爲翰林學士進中書侍郎兼
戶部尚書後爲黃巢所害主亦自縊室中

于

頃 唐字允元謹七世孫爲湖州刺史有湖陂灌
田三千頃久廢頃行縣命修復隄塘歲獲杭

稻無慮萬計
歷司空平章

尚方金
于

祐

唐僖宗時學士晚步禁衢於御溝得一紅葉詩云流水何太急深宮盡日閑殷勤謝紅葉

好去到人間祐亦拾紅葉題云曾聞葉上題紅怨葉上題詩寄阿誰置上流韓夫人得之後帝放宮女三千人丞相韓泳聞韓翠屏有學爲祐作伐及成禮泳開宴各取葉相視乃曰事豈偶然韓曰一聯佳句隨流水十載幽思滿素懷今日結成鸞鳳友方知紅葉是良媒

俞

河間角音又望出漢東

俞

跗

上古良醫也療疾不以湯藥乃割皮解肌瀦腸胃滌五臟

俞紫芝

宋字秀老楊州人少有高行不娶得浮屠氏心法又工詩荆公愛重之其詩有夜深童子

喚不醒猛虎一聲山月高之句 弟澹字清老
亦不娶滑稽諧謔曉音律能歌荆公亦喜之晚
年作漁家傲等詞山行歌之一日見公云吾欲
爲浮屠公欣然爲置祠部約日祝髮旣而見公
曰吾思僧亦不易爲公所送祠部主簿之問以
已送酒家償酒債矣荆公大笑

俞

偉

宋字仲寬四明人元祐初知順昌縣初縣民
生子多不舉偉集耆老諭以理貧者許贍以

粟所活不可勝計多以偉之姓字名之俗婚娶
尚侈偉戒以儉而省浮費民有健訟者反覆開
諭悉感謝去縣治前大溪艱涉偉率富民出貲
編舟爲梁以濟之復籍廢寺田數十畝儲租以
備繕修爲縣幾兩考木生連理粟一莖十二穗民歌誦焉

俞尚

宋字退翁爲人古朴與東坡友善及卒東坡作詩弔之云吳興古君子淡如朱弦琴一鳴

三歎息至

今有遺音

俞夢龜

宋銅陵人始生時母夢羽士授之黃龜因名生卽有齒能言夢中嘗有讀書聲六歲讀六

俞

籍九歲應童子科授祕書正字

俞易直

宋字平叔歙人尉彭澤不苟取不沽名以母老不仕歸嘗有病縣令盧知原往視之問以

後事曰棺已具衣已浣附葬先塋他無所須也盧退遺以錢五萬易直曰吾素貧豈以五萬錢

變吾

志哉

俞

豐

宋字應南建寧縣人乾道中登第自知秀州召爲金部郎官遷中書舍人嘗言命令不可

蘓

不謹守令不可不擇除吏部侍郎上言人主當

振紀綱不可假外戚以柄不報以華文館待制

奉祠築雲谷書院以自娛號雲谷

老人閒居十年除中順大夫致仕

俞若著

宋爲宜州守黃庭堅謫居是州時黨禁甚嚴士夫皆削劄掃跡惟若著爲黃葺舍館治薪

爨遣二子執經

帳下物論高之

俞庭椿

宋字壽翁臨川人乾道八年進士仕終新淦令庭椿有大志而廉介自持見者莫不喜其

才服其敏愛其清嘗出使金自北還因紀次其道路所經山川人物與夫語言事蹟之可用者

爲北

轅錄

俞聞中

宋字夢達邵武人從學朱熹登淳熙八年進士累加知黎州悉意撫字民夷感惠

俞靖

宋一名猷仲字宋祐婺源人績學祇行晚號西郊老人與朱韋齋先生爲星溪十友

俞琰

宋字玉吾吳人寶祐間以詞賦稱宋亡隱居不仕於書無所不讀精於易尤好鼓琴所著

書千

餘卷

蘇

武功羽音祝融之後陸終生昆吾封於蘇因氏又望出藍田洛陽

蘇

從

周楚大夫莊王卽位三年不出日夜爲樂下令諫者殺伍舉隱諫王淫益甚從乃入諫王

曰若不聞令乎從口殺身以明君臣之願也王
乃罷淫樂聽政誅數百人進數百人任伍舉及
從以政
國大治

蘇

秦

周洛陽人師鬼谷子初遊秦書十三上而說
不行裘敝金盡憔悴而歸妻不下機嫂不爲
炊父母不子乃發陰符經伏而讀之欲睡引錐
刺股揣摩之術成後從說得行并相六國佩印
而歸北報趙車騎輜重擬于王者行過洛陽妻
嫂不敢仰視秦笑曰何前倨而後恭也嫂曰見
季子位高金多耳秦喟然歎曰此一人之身富
貴則親戚畏懼貧賤則輕易之况衆人乎使我
有負郭田二頃安能佩六國相印是散千金
以賜宗族朋友弟代厲皆知名當弟代說

趙王曰川蚌出曝鷸啄其肉蚌箝其喙鷸曰今日不放明日不放必有死蚌蚌曰今日不出明日不出必有死鷸漁人見而兩得之 欲見齊王齊以秦故不欲見說淳于髡曰人有駿馬立市三日人莫之問及伯樂見之環而觀之去而顧之一旦價十倍子何不爲伯樂乎

蘇

武

漢字子卿杜陵人天漢初以中郎將使匈奴被留囓雪食羶仗節牧羝居十九年得還拜

典屬國宣帝立賜爵關內侯圖形麒麟閣子

通國胡婦所生漢以金帛贖之歸帝拜爲郎

蘇

章

漢字孺文平陵人建八世孫少時負笈從師不憚千里之遠後爲冀州刺史有故人任清

河太守章行部按其奸贓太守爲設酒餞陳平生之好喜曰人皆有一天我獨有第二天章曰今

日蘇孺文與故人飲者私恩也明日冀州刺史案事者公法也遂舉正其罪州境肅然

蘇

純

漢字桓公平陵人性高潔而持毀譽士友咸憚之相謂曰見桓公患其教責久不見又思

之三輔號爲大人擊

匈奴有功封中陵侯

蘇不韋

漢平陵人父謙爲金城太守旣罷私至洛陽爲司隸李嵩詰掠死以報宿怨不韋歎曰伍

子胥獨何人也遂變姓名募劍客邀嵩不克因殺其妾并及小兒又馳至魏郡掘其父塚斷頭

以祭父墳祭畢遂

嘔血數升而死

蘇

瓊

南北長樂人仕北齊累官清河太守郡多盜賊及瓊至姦盜止息瓊性謹不發私書郡丞

趙穎餉瓜置於梁上復進出前瓜示之丞大慚
百姓乙普明兄弟爭田積年不斷瓊召諭之曰
難得者兄弟易得者田地假令得田地失兄弟
心何如因而下淚明兄弟感其言遂不復分
瓊謁見荊州刺史唐芝芝戲曰卿欲官耶瓊答
曰設官求人非人求官芝異其言署爲叅軍瓊
爲清河守沙門道研統資巨萬在郡出息常得
守令爲徵瓊每見則談問玄理道研雖爲債來
無由啓口弟子問故研曰每見府君
徑將我入青雲無由得論地上事

蘇

時

南北桂陽人將仙去告母曰後二年州人大
疫乃植橘鑿井曰食橘一葉飲水一盞當自

愈有白鶴數十降于門遂仙去後果疫母用其
言以療疾果皆愈後化鶴來止都城以爪攫板

云城郭是人民非三百甲子
一來歸我是蘇仙彈我何爲

蘇

綽

南北有王佐才對周文帝指陳帝王之道上不覺前席曰真奇士也子威仕隋封邳國

公與高頴同心協贊江

南平作五教令民誦之

蘇安恒

唐冀州武邑人武后時嘗授匭上書言太子春秋鼎盛當統宸極曰天下者高祖太宗之

天下非李氏不王今若蔽元良以據神器他日何顏面見唐家宗廟書聞不報時論難之當

蘇世長

唐京兆人侍宴披香殿酒酣進曰此煬帝作邪帝曰卿好諫以直然詐也此殿朕所營乃

詭云煬帝邪對曰臣但見傾宮塵臺非受命聖人所爲者今乃卽隋之宮加雕飾焉欲易其亂